



UGOVOR
za nabavku usluge produkcije promotivnog filma za potrebe Fakulteta

Zaključen u Sarajevu, između:

Fakulteta sporta i tjelesnog odgoja Univerziteta u Sarajevu, ul. Patriotske lige 41, kojeg zastupa dekan fakulteta prof.dr Haris Alić, (u daljem tekstu: Ugovorni organ)

i

Centar za razvoj i afirmaciju kulture i obrazovanje „LITTERATUS“ Sarajevo, ul. Bardakčije br. 1, 71000 Sarajevo, ID broj: 4201737260003, PDV broj: 201737260003 kojeg zastupa Admir Muslija, direktor (u daljem tekstu: Dobavljača).

I. Predmet i količina

Član 1.

Predmet ovog Ugovora je regulisanje prava i obaveza između Ugovornog organa i Dobavljača, kao izabranog ponuđača, u provedenom direktnom sporazumu za izbor najpovoljnijeg ponuđača za nabavku usluge produkcije promotivnog filma za potrebe Fakulteta, a u skladu sa Odlukom broj: 01-1712/19 od 10.05.2019. godine o zaključenju direktnog sporazuma za nabavku usluge produkcije promotivnog filma za potrebe Fakulteta, i ponudom Dobavljača - ponuda protokolisana pod brojem: 01-1621/19 od 06.05.2019. godine koje čine sastavni dio ovog Ugovora.

Član 2.

Predmet nabavke je snimanje dva filma u kratkom i dužem trajanju sa komentarom koji će na najbolji način promovirati Fakultet sporta i tjelesnog odgoja, a sve prema specifikaciji Ugovornog organa i ponudi ponuđača protokolisana pod brojem: 01-1621/19 od 06.05.2019. godine, koje čine sastavni dio ovog Ugovora.

II. Rok i mjesto izvršenja

Član 3.

Dobavljač se obavezuje da će uslugu iz člana 2. ovog Ugovora izvršiti najkasnije do 01.12.2019. godine.

Mjesto izvršenja: Fakultet sporta i tjelesnog odgoja Univerziteta u Sarajevu.

III. Cijena i način plaćanja

Član 4.

Cijena predmeta ovog Ugovora ukupno iznosi 1.500,00 KM bez PDV-a (slovima:jednahiljadaipetstotina/00KM), odnosno 1.755,00 KM sa PDV-om (slovima:jednahiljadaisedamstotinapedasetpet/00KM).

Dobavljač je dužan izdati/sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena na usklađivanje.



Uslove plaćanja i druge uslove koje Dobavljač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

Ugovorni organ se obavezuje da će plaćanje izvršiti u roku od 30 dana od završetka radova na žiro račun Dobavljača otvoren u BBI bank d.d, broj: 141-306-53200103-60.

IV. Osnovne obaveze Dobavljača

Član 5.

Pored obaveza predviđenih važećim propisima, Dobavljač se obavezuje da će usluge iz člana 2. ovog Ugovora izvršiti stručno i kvalitetno, u skladu sa pravilima struke i u skladu sa specifikacijom Ugovornog organa i ponudom ponuđača – protokolirana pod brojem: 01-1621/19 od 06.05.2019. godine.

Dobavljač se obavezuje da Ugovornom organu po završetku usluge produkcije promotivnog filma predati medi na kojem je pohranjen promotivni film.

Dobavljač se obavezuje da promotivni film neće umnožavati niti koristiti bez saglasnosti Ugovornog organa.

Dobavljač se obavezuje da će o svom trošku pri vršenju usluga iz člana 2. ovog Ugovora poduzeti sve odgovarajuće mjere za spriječavanje nastanka štete ili uznemiravanja i otkloniti će izvore opasnosti.

Član 6

Dobavljač nije ovlašten da zaključuje podugovore sa drugim licima u cilju realizacije ugovornih obaveza bez prethodnog pismenog odobrenja Ugovornog organa.

V. Osnovne obaveze ugovornog organa

Član 7.

Ugovorni organ se obavezuje da osigura sredstva za plaćanje, u skladu sa načinom plaćanja (definisanim članom 4. Ovog Ugovora).

VI. Nadzor

Član 8.

Nadzor nad izvođenjem i izvršenjem usluge iz člana 2. ovog Ugovora, kao i sačinjavanje i ovjere zapisnika o kvalitativnom i kvantitativnom izvršenju usluge, izvršit će prodekan za finansije.

VI. Odgovornost za štetu

Član 9.

Za nastanak eventualne štete odgovara Dobavljač u skladu sa Zakonom o obligacionim odnosima.



VII. Odgovornost za nedostatke

Član 10.

Ugovorni organ je dužan pregledati pruženu uslugu čim je to redovnom toku stvari moguće i o nađenim nedostacima bez odlaganja obavijestiti Dobavljača.

Ako Ugovorni organ na poziv Dobavljača da pregleda i primi pruženu uslugu to ne uradi bez opravdanog razloga, smatra se da je usluga primljena.

Poslije pregleda i primanja pružene usluge Dobavljač više ne odgovara za nedostatke koji su se mogli opaziti običnim pregledom, izuzev ako je znao za njih, a nije ih pokazao Ugovornom organu.

Ako se docnije pokaže neki nedostatak koji se nije mogao otkriti običnim pregledom, Ugovorni organ se ipak može pozvati na njega, pod uslovom da o njemu obavijesti Dobavljača što prije, a najduže u roku od mjesec dana od dana njegovog otkrivanja.

Istekom dvije godine od prijema obavljenog posla, Ugovorni organ se ne može pozvati na nedostatak.

Član 11.

Ugovorni organ koji je uredno obavijestio Dobavljača da pružena usluga ima neki nedostatak može zahtjevati od njega da nedostatak ukloni i za to mu vrijeme odredi primjereni rok.

Ugovorni organ ima pravo i na naknadu štete koju trpi zbog toga.

Ako uklanjanje nedostataka zahtjeva pretjerane troškove, Dobavljač može odbiti da ga izvrši, ali u tom slučaju Ugovornom organu pripada po njegovom izboru, pravo na sniženje naknade ili raskid ugovora, kao i pravo na naknadu štete.

VIII. Ugovorna kazna

Član 12.

U slučaju kašnjenja u pružanju usluga do kojeg je došlo krivicom odabranog ponuđača isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti radova koji su predmet Ugovora.

Odabrani ponuđač je dužan platiti ugovorenu kaznu u roku od 7 (sedam) dana od dana prijama zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveza postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

IX. Raskid ugovora

Član 13.

Ugovorni organ ima pravo raskinuti ovaj Ugovor u slijedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa
- ako poslije djelovanja više sile nije moguće nastaviti realizaciju Ugovora



-ako obavljeni posao ima nedostatak zbog kojih je neupotrebljiv ili je obavljen u suprotnosti sa izričitim uslovima Ugovora, specifikacijom Ugovornog organa i ponudom ponuđača – protokolirana pod brojem: 01-1621/19 od 06.05.2019. godine.

Ugovor može biti raskinut izjavom Ugovornog organa ili Dobavljača u pisanoj formi. Izjava mora sadržavati razlog raskida Ugovora.

U slučaju raskida Ugovora ugovorene strane su saglasne da ni jedna strana drugoj neće dugovati nikakvo obeštećenje niti nadoknadu i da će u svemu izmiriti međusobne obaveze.

X. Ostale odredbe

Član 14.

Za sve ono što nije regulisano ovim Ugovorom primjenjuju se važeći propisi i poslovni običaji za predmetnu uslugu i Zakon o obligacionim odnosima.

Član 15.

Ugovorene strane su saglasne da eventualna sporna pitanja rješavaju sporazumno, a u slučaju spora nadležan je sud u Sarajevu.

Član 16.

Ugovorne strane su saglasne da je Ugovorni organ vlasnik snimljenog materijala.

Član 17.

Ovaj Ugovor zaključen je u 4 (četiri) istovjetna primjeraka od kojih po dva za svaku ugovornu stranu.

Dobavljač:

Centar za razvoj i afirmaciju
kulture i obrazovanja LITTERATUS
Admir Muslija, direktor

Broj, 03-0/15115
Sarajevo, 27.05.2019.god



Ugovorni organ:

Fakultet sporta i tjelesnog odgoja
Prof.dr Haris Alić, dekan

Broj, 01-18521/10
Sarajevo, 23.05.2019.god